

襄阳耆旧记

习凿齿

文硕阁

wenshuoge.com

目录

关于我们

卷第一

卷第二

卷第三

卷第四

卷第五

.....

.....

.....

.....

.....

.....

3

5

11

20

23

26

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

卷第一

宋玉

宋玉者，楚之鄢人也。故宜城有宋玉冢。始事屈原，原既放逐，求事楚[王於]友景差。景差惧其胜己，言之於王，王以为小臣。玉让其友，友曰：“夫姜、桂因地而生，不因地为辛；美女因媒而嫁，不因媒而亲。言子而得官者我也，官而不得意者子也。”玉曰：“若东郭（狻）者，天下之狡兔也，日行九百里而卒不免韩卢之口。然在猎者耳。夫遥见而纵（泄）[继]耶？”友谢之，复言於王。

玉识音而善（友）[文]，襄王好乐而爱赋，既美其才，而憎之（仍）[似]屈原也。[乃谓之]曰：“子盍从[楚之]俗，使楚人贵子之德乎？”对曰：“昔楚有善歌者，[王其闻与？]始而曰《下里》《巴人》，[国中（唱）[属]而和之者数万人；中而曰《阳阿》《采菱》，]国中属而和之者数百人，既而曰《阳春》《白雪》，《朝日》《鱼离》，国中属而和之者不至十人；含商吐角，绝（伦）[节]赴曲，国中属而和之者不至三人矣。其曲弥高，其和弥寡也。”

习融 子郁

习融，襄阳人。有德行，不仕。

子郁，字文通，为黄门侍郎。[其为侍中时，从光武幸黎丘，拜大鸿胪；录其前后功，]封襄阳（公）[侯]。[於岷山南依范蠡养鱼法作鱼池。池边有高堤，皆种竹及长楸，芙蓉覆水，是游宴名处。当中筑一钓台。将亡，敕其儿曰：“必葬我近鱼池。”]

王逸

王逸，字叔师，南郡宜城人。元初中，舉上计吏，为校书郎。累至侍中。著《楚词章句》行於世。其赋、诔、论及杂文凡二十一篇。作《汉诗》百二十三篇。子延寿。

王延寿

王延寿，字文考。作《灵光殿赋》。蔡邕亦造此赋，未成，及见甚奇之，遂辍翰。曾有奇梦，恶之，作《梦赋》以自励。后溺死。

庞德公

庞德公，襄阳人。居岷山之南[沔水上]，未尝入城府。躬耕田里，夫妻相待如宾，[休止则正巾端坐，]琴书自娱，睹其貌者肃如也。

荆州牧刘表，数延请，不能屈。乃自往候之，谓公曰：“夫保全一身，孰若保全天下乎？”公笑曰：“鸿鹄巢於高林之上，暮而得所栖；龟鼃穴於深泉之下，夕而得所宿。夫趋舍行止，亦人之巢穴也。但各得其栖宿而已，天下非所保也。”（每）[因]释耕陇上，妻子耨於前。表（诣）[指]而问曰：“先生苦居畎亩之闲，而不肯当禄，然后世将何以遗子孙乎？”公曰：“时人皆遗之以危，今独遗之以安。虽所遗不同，亦不为无所遗也。”表曰：“何谓？”公曰：“昔尧、舜舉海内授其臣，而无所执爱，委其子於草莽，而无矜色。丹朱、商均至愚下，得全首领以没。禹、汤虽以四海为贵，遂以国私其亲，使桀徙南巢、纣悬首周旗，而族受其祸。夫岂愚於丹朱、商均哉？其势危故也。周公摄政天下，而杀其兄。向使周公兄弟食藜藿之羹，居蓬蒿之下，岂有若是之害哉！”表乃叹息而去。

诸葛孔明每至公家，独拜公於牀下，公殊不令止。司马德操尝造公，值公渡沔，祀先人墓。德操径入堂上，呼德公妻子，使[速]作黍：“徐元直向言，有客即来就我与公谈论。”其妻子皆罗列，拜於堂下，奔走供设。须臾，德公还，直入相就，不知何者是客也。

德操少德公十岁，以兄事之，呼作庞公也。故世人遂谓“公”是德公名，非也。

后遂携其妻子登鹿门山，托言采药，因不知所在。

《先贤传》云：“乡里旧语，目诸葛孔明为卧龙，庞士元为凤雏，司马德操为水镜，皆德公之题也。”

其子仙民，亦有令名，娶诸葛孔明小姊，为魏黄门吏部郎，早卒。子焕，字世文，晋太康中，为牂牁太守。去官还乡里，[居荆南白沙乡。]里人[宗敬之，相]语曰：“我家池里龙来归。”乡里仰其德让，少壮皆代老者担。

德公从子统。

庞统

庞统，字士元。少未有识者，惟德公重之；年十八，使诣司马德操。德操与语自昼达夜，乃叹息曰：“德公诚知人，此实盛德也。必南州士之冠冕。”由是显名。

后刘备访世事於德操，[德操]曰：“儒生俗士，岂识时务？识时务者，在乎俊杰。此闲有卧龙、凤雏。”备问为谁，曰：“诸葛孔明，庞士元也。”[备后并用为军师

中郎将。]

[统]每称咏，多过其才。时人怪而问之，统曰：“当今天下大乱，雅道陵迟，善人少而恶人多。方欲兴风俗，长道业，若不美其谈，则声名不足慕。今拔十失五，犹得其半，而可以崇长世教，使有志者自励，不亦可乎？”

吴将周瑜卒，统送丧至吴，吴人多闻其名，陆绩、顾劭、全琮皆往。统曰：“陆子可谓弩马有逸足之力，顾子可谓弩牛能负重致远也。”

初，刘备领荆州，统以从事守耒阳令，在县不治，免官。鲁肃与备书曰：“庞士元非百里才也，使其处治中、别驾之任，始当展其骥足耳。”备大器之，以为治中从事。

劝备入益州。备向成都，所向辄中。於涪大会，曰：“今日之会可为乐矣。”统曰：“伐人之国而以为乐，非仁者所为。”备醉，怒曰：“武王伐纣，前歌后舞，非仁者乎？”

进围雒县，统帅众攻城，为矢所中，卒，年三十六。

统弟林妇习。

庞林妇习

庞林妇，同郡习祯妹。曹操之破荆州，林妇与林分离，守养弱女十有馀年。后林随黄权降魏，始复集聚。魏文闻而贤之，赐牀帐、衣服，以显其节义。

蔡瑁

蔡瑁，字德珪，襄阳人，性豪自喜。

少为魏武所亲。刘琮之败，武帝造其家，入瑁私室，[呼]见其妻、子，谓[瑁]曰：“德珪，故忆往昔共见梁孟星，孟星不见人时否？闻今在此，那得（百）[面]目见卿耶！”是时，瑁家在蔡洲上，屋宇甚好，四墙皆以青石结角。婢妾数百人，别业四五十处。

汉末，诸蔡最盛。蔡讽，姊适太尉张温；长女为黄承彦妻，小女为刘景升后妇，瑁之姊也。璘，字茂珪，为鄢相，琰，字文珪，为巴郡太守，瑁同堂也。永嘉末，其子犹富，宗族甚强，共保於洲上，为草贼（张）[王]如所杀，一宗都尽，今无复姓蔡者。

瑁，刘表时为江夏、南郡、（竟）[章]陵太守，镇南大将军军师。[遂为]魏武从事中郎、司马、长水校尉、汉阳亭侯。魏武虽以故旧待之，而为时人所贱，责其助刘琮、谮刘琦故也。

魏文作《典论》，以瑁成之，曰：“刘表长子曰琦。表始爱之，称其类己。久之，为少子琮纳后妻[蔡氏之]（子）侄，遂爱琮而恶琦。瑁（又）[及]外甥张允，并得幸於表，又睦於琮。琮有善，虽小必闻；有过，虽大必蔽。蔡氏称美於内，允、瑁诵德於外。爱憎由之，而琦益疏。乃出为江夏太守，监兵於外。瑁、允阴伺其过阙，随而毁之。美无显而不掩，阙无微而不露。於是忿怒之色日发，诮让之言日至。而琮竟为嗣矣。故曰，‘容习生於身疏，积爱出於近习’，岂谓是邪！泄柳、申详，无人乎穆公之侧，不能安其身。君臣则然，父子亦犹是乎！”

后表疾病，琦慈孝，[还省疾。]瑁、允恐其见表，父子相感，更有托后之意，谓曰：“将军令君抚临江夏，为国东藩，其任至重。今释众而来，必见谴怒。伤亲（亲）之（叹）[欢心]以增其疾，非孝敬也。”遂遏於户外，使不相见，琦流涕而去，士民闻而伤焉。表卒，琮竟嗣立，以侯印与琦。[琦]怒而投之，伪辞赴丧，有讨瑁、允之意。会王师已临其郊，琮舉州请罪，琦遂奔於江南。

杨虑 许汜

杨虑，字威方，襄阳人。少有德行，为沔南冠冕。州、郡礼重，诸公辟命，皆不能屈。年十七而夭。门徒数百人，宗其德范，号为“德行杨君”。

许（洗）[汜]是虑同里人，少师虑，为魏武从事中郎。（事）[与]刘备（昔）[共]在刘表坐论陈元龙者，其人也。

虑弟仪。

杨仪

杨仪，字威公。为蜀相诸葛亮长史，加绥军将军。

亮出军，仪常规画分部，筹度粮谷，不稽思虑，斯须便了。军戎节度，取办於仪。亮深惜仪之才干，凭魏延之骁勇，故（尝）[常]恨二人之不平，不忍有所偏废也。

[建兴]十二年，亮出屯谷口，卒於敌场。[仪率]全军而还，又（诛讨）[讨诛]魏延，自以为功勋至大，当代亮。而方废中军师，无所统领，从容而已。遂大怨愤，谓费禕曰：“往者吾若舉军就魏，宁当落度如此[邪]！令人追悔不可更及。”

禕表其言，坐徙。仪复上书诽谤，词旨激切。遂下郡收仪，自杀。

繁仲皇

繁仲皇，襄阳人，为青州刺史。自尔以来，虽无名德重位，世世作书生门户。

习询 习竺

习询、习竺，才气锋爽。

习承业

习承业，博学有才鉴。历江阳、汶山太守，都督龙鹤诸[军]事。

习蔼

习蔼，有威仪，善谈论。

习珍

习珍，为零陵北部都尉，加裨将军。

孙权杀关羽，诸县响应。[珍]欲保城不降，珍弟[宏]曰：“驱甚崩之民，当乘胜之敌，甲不坚密，士不素精，难以成功。不如暂屈节於彼，然后立大效以报汉室也。”珍从之，乃阴约樊胄等举兵，为权所破。珍举七县，自号邵陵太守，屯校夷界以事蜀。

[孙权遣]潘濬讨珍，所至皆下，唯珍所帅数百[人]登山。珍遂谓曰：“我必为汉鬼，不为吴臣，不可逼也。”因引射濬。濬还（共）攻，[珍固守]月馀，粮、箭皆尽。[珍谓群下]曰：“受汉厚恩，不得不报之以死。诸君何为者？”即仗剑自裁。

刘备闻珍败，为发丧，追赠邵陵太守。

[弟宏在吴，凡有问，皆不答。]张邵伯难（习）宏曰：“若亡国之大夫不可以访事，败军之将不足以言勇，则商之箕子当见捐於昔日，赵之广武君无能振策於一世也。”

贼发其汉末先人墓，掘习郁冢作炭灶，时人痛之。

珍子温。

习温

习温，识度广大。历长沙、武昌太守，选曹尚书，广州刺史。从容朝位三十年，不立名迹，不结权豪。饮酒一石乃醉。有别业在洛上，每休沐常宴其中。

长子宇，执法郎，曾取急（趋）[归]，车乘道从甚盛。温怒，杖[宇，责]之曰：“吾闻生於乱世，贵而能贫，始可以亡患，况复以侈靡竞乎！”

潘濬见温十数岁时，曰：“此儿名士，必为吾州里议主。”敕子弟与善。[温]后果为荆州大公平。

[及至晋朝，以江表始通，人物未悉，使江南别立大中正，人沿称]大公平，今之州都。

潘秘过，辞於温，曰：“先君昔（因）[曰]君侯当为州里议主，今果如其言。不审州里谁当复相代者？”温曰：“无过於君也。”后秘为尚书仆射；[先是]代温为公平，甚得州里之誉。

黄承彦

黄承彦，高爽开朗，为沔南名士，谓孔明曰：“闻君择妇；身有丑女，黄头黑面，才堪相配。”孔明许[焉]，即载送之。时人以为笑乐，乡里为之谚曰：“莫作孔明择妇，正得阿承丑女！”

习祯 子忠 忠子隆

习祯，有风流，善谈论。名亚庞统，而在马良之右。子忠，亦有名。忠子隆，为步兵校尉，掌校秘书。

卷第二

马良

马良，字季常，襄阳宜城人也。兄弟五人，并有才名。（而良称白眉。）[时人为之语曰：“马氏五常，白眉最良。”（马）良眉中有白毛，故以称之。]

先主领荆州，辟良为从事。诸葛[亮]入蜀，良与书曰：“雒城已拔，殆天祚也。兄应期赞世，配业光国，魄兆见矣。夫变用雅虑，审贵垂（名）[明]，於以简才，宜适其时。若乃和光悦远，迈德天壤，使时闲於听，世服於道，齐高妙之音，正郑、卫之声，并利於事，无相夺伦：此管弦之至，牙、旷之调也。虽非锺期，敢不击赏！”亮闻之，以为知言，深器重之。

先主辟良为左将军掾。後遣使东吴，修好於孙权。良谓亮曰：“今衔国命，协睦二家，幸为良介於孙将军，可乎？”亮曰：“君试自为文。”良即[为]草曰：“寡君遣掾马良通聘继好，以绍昆吾、豕韦之勋。（奇）[其]人吉士，荆楚之令，鲜於造次之华，而有克终之美。愿降心存纳，以慰将命。”

先主称尊号，以为侍中。及东征吴，遣良入武陵招纳五溪蛮夷。蛮夷渠帅皆受印号，咸如意指。会先主败绩於夷陵，良亦遇害。

子秉，为骑都尉。良弟谡。

马谡

马谡，字幼常。以荆州从事入蜀，历緇竹、成都令、越嶲太守。长八尺，才器过人，善与人交，好论军旅。[诸葛]亮深[加]器异。先主临（薨）[崩]，谓亮曰：“马谡言过其实，不可大用也。”亮犹谓不然，以为参军；每引见谈论，自昼达夜。

建兴三年，亮征南中。谡送之数十里，亮语曰：“虽共谋之历年，今可更惠良规。”谡曰：“南中恃其险远，不服久矣。虽今日破之，明日复反耳。今公方倾国北伐，以与强贼，彼知国势内虚，其叛亦速。若尽殄遗类，以除後患，既非仁者之情，且又不可仓卒也。夫用兵之道，攻心为上，攻城为下，心战为上，兵战为下，愿公服其心而已。”亮纳其策，赦孟获以服南方。[故]终亮之世，南方不敢复反。

建兴六年，亮出军向祁山，使谡统大众向前。为魏将张郃所破，坐此下狱死，时年三十九。谡临终，与亮书曰：“明公视谡犹子，谡视明公犹父，愿深推殛鲧（兴禹）[於羽]之义，使生平之交不亏於此。谡虽死，无恨於黄壤也。”于时，十万之众为之垂泣。亮自临祭，待其遗孤若平生。

蒋琬後诣汉中，谓亮曰：“昔楚杀得臣，然後文公喜可知也。天下未定，而戮智计之士，岂不惜乎？”亮流涕曰：“孙武所以能制胜於天下者，用法明也。是以杨干乱法，魏绛戮其仆。今四海分裂，交兵方始，若复废法，何用讨贼邪！”

杨顥

杨顥，字子昭，襄阳人也。[入蜀]为[巴郡太守、]丞相[诸葛]亮主簿。

亮[尝]自校簿书。顥直入谏曰：“为治有区分，则上下不可相侵。请为明公以家主喻之：今有人於此，使奴执耕种，婢主炊爨，鸡主（引）[司]晨，犬主吠盗，牛负重载，马涉远路，私业无旷，所求皆足，雍容高拱，饮食而已。忽一旦尽欲[以]身亲其役，不更付任，劳其体力，为此碎务，形疲神耗，终无一成。岂其智不如奴婢、鸡犬哉？失为家主之法也。故古人称坐而论道（为）[谓之]三公，作而行之谓之卿大夫。丙吉不问横尸而忧牛喘；陈平不肯对钱谷[之数]，云自有主者。彼诚达於（德）[位]分之体也。今明公为（理）[治]，亲自校簿书，流汗竟日，不亦劳乎！”亮谢之。

後尝为东曹属，典选举。

及顥死，亮泣三日，与蒋琬书曰：“天夺吾杨顥，则朝中（多）[少]损益矣。”

向朗

向朗，字巨达，襄阳宜城人。少师事司马德操，与徐元直、韩德高、庞士元皆亲善。刘表以为临沮长。

表卒，归先主，为巴西、牂牁、房陵太守。及後主立，为步兵校尉、丞相长史。

朗素与马谡善，谡（既）[逃]亡，（明）[朗]知情不举，遂因之免官。[丞相]亮卒後，徙左将军；追论前功，封显明亭侯。

朗少时虽涉猎文学，然不治素检，以吏能见称。自去长史，优游无事垂（三）[二]十年，乃更潜心典籍，孜孜不倦。年逾八十，犹手自校书，刊定谬误，积聚篇卷，於时见称。上自执政，下至童冠，皆敬重焉。

延（禧）[熙]十年卒，遗言戒子曰：“《传》称‘师克在和不在众’。此言天地和则万物生，君臣和则国家平，九族和则动得所求，静得所安。是以圣人守和，以存以亡也。吾，[楚国之小子耳，而]早丧所天，为二兄所诱养，使其性行不随禄利以堕。今唯贫耳，贫非人之患也，唯和为贵。汝其勉之！”

向条

向条，字文豹，亦博学多识。[嗣父爵，景耀中为御史中丞。]入晋为江阳太守、南中军司马，（御史中丞。朗兄子宠）。

向宠

向宠，先主时为牙门将。秭归之败，宠营特全。後为中部督，典（审）[宿]衛兵。

诸葛亮当北行，表曰：“将军向宠，素行淑均，晓畅军事。试用於昔，先帝称之曰能。是以众论舉宠为督。愚以为，（军）[营]中之事，悉以咨之，必能使行陈和睦，优劣得所。”

弟充。

向充

向充，历射声校尉、尚书。

诸葛亮初亡，所在各求为立庙，朝议以礼秩不听，百姓遂因时节私祭之於道陌上。言事者或以为可听立庙於成都者，後主不从。充时为中书郎，与（部）[步]兵校尉习隆[等]共上表曰：“臣闻周人怀召伯之德，甘棠为之不伐；越王思范蠡之功，铸金以存其像。自汉兴以来，小善小德而图形立庙者多矣。况亮德范遐迩，勋盖季世，（兴）王室之不坏，实斯人是赖。而烝尝止於私门，庙像阙而莫立，使百姓巷祭，戎夷野祀，非所以存德念功，述追在昔[者]也。今若尽顺民心，则渎而无典，建之京师，又逼宗庙，此圣怀所以惟疑也。臣愚以[为]宜因近其墓，立之於沔阳，（使所亲属）以时赐祭。凡其[亲属、]（臣）故吏欲奉祠者，皆限至庙，断其私祀，以崇王礼。”於是始从之。

魏咸熙元年六月，鎮西将军衛瓘至成都，得璧、玉印各一枚，[文]似“成信”字。魏人宣示百官，藏（之）於相[国]府。充闻之曰：“吾闻譙周之言：[昔]晋穆侯名太子曰‘仇’，弟曰‘成师’。[师服曰：]始兆乱矣，兄其替乎！後果如言。先帝讳‘备’，其训具也；安乐公讳‘禪’，其训授也。如言刘已具矣，当授与人也。今中抚军名‘炎’，而汉年极於‘炎兴’；瑞出成都，而藏之於相[国]府。此殆天意也。”[是岁，拜充为梓潼太守。]明年十二月，晋武即尊位，“炎兴”於是应焉。孙盛曰：昔公孙述自以起成都，号曰“成（氏）”，二玉之文，殆述所作（乎）[也]。

廖化

廖化，本名淳，中卢人也。世为沔南冠族。

为关羽前将军主簿，败没於吴。思向（刘备）[先主]，乃诈死，因将老母昼夜西奔（备）[先主]於秭归。（备）[先主]大悦，以为宜都太守。

後为[诸葛]亮参军。稍迁至右车骑将军、假节，领（前）并州刺史，封中鄉侯。以果烈称，官（德）[位]与张翼齐，而在宗预之右。

咸熙元年春，内徙洛，道病卒。

董恢

董恢，字休绪，襄阳人。事先主，为宣信中郎。

费禕使吴，恢副之。孙权尝大醉问曰：“杨仪、魏延，牧竖小人也。虽尝有鸣吠之益於时务，然既已任之，势不得轻。若一朝无诸葛亮，必为祸乱矣。诸君愤愤，[曾]不知防虑[於此]，岂所谓贻厥孙谋乎？”禕愕然四顾视，不能[即]答。恢曰：“仪、延之不协，起於私忿耳，非有黥、韩难驭之心[也]。今方扫除强（寇）[贼]，混一区夏，功以才成，业由才广。[若]舍此不任，防其後患，是犹备[有]风波而逆[废]舟楫，非长计也。”权大笑[乐]。诸葛亮闻之，以为知言。还，未滿三日，辟为丞相府属，迁巴郡太守。

[先是，]侍中董允等共期游宴，[而董恢诣允修敬，]即命解骖。

张悌

张悌，字巨先，襄阳人。少有名理。孙休时，为屯骑校尉。孙皓时，为丞相，封山都侯。

魏伐蜀，吴人问悌曰：“司马氏得政以来，大难屡作，智力虽丰，而百姓未服也。今又竭其资力，远征巴蜀，兵劳民疲，而不知恤，败於不暇，何以能济？昔夫差伐齐，非不克胜，所以危亡，不忧其本也。况彼之争地乎！”悌曰：“不然。曹操虽功盖华夏，威震四海，崇诈杖术，征伐无已，民畏其威，而不怀其德也。丕、叡承之，系以惨虐，内兴宫室，外惧雄豪，东西驰驱，无岁获安，彼之失民，为日久矣。司马懿父子自握其柄，累有大功，除其烦苛而布其平惠，为之谋主而救其疾，民心归之，亦已久矣。故淮南（之）[三]叛，而腹心不扰，曹髦之死，四方不动，摧坚敌如（朽）[折]枯，荡异同如反掌，任贤使能，各尽其心，非智勇兼人，孰能如之？其威武张矣，本根固矣，群情服矣，奸计立矣。今蜀阉宦专朝，国无政令，而玩戎黷武，民劳卒弊，竟於外利，不修守备。彼强弱不同，智算亦胜，因危而伐，

殆其克乎！若其不克，不过无功，终无退北之忧、覆军之虑也，何以不可哉？昔楚剑利而秦昭惧，孟明用而晋人忧，彼之得志，故我之大患也。”吴人笑其言，而蜀果降於魏。

晋来伐吴，皓使悌督沈莹、诸葛靓率军三万，渡江逆之。至牛渚，莹曰：“晋治水军於蜀久矣，今倾国大舉，万里齐力，必悉益州之众浮江而下。我上流诸军，无有戎备，名将皆死，幼少当任，恐边江诸城，尽莫能御也。晋之水军，必至於此矣！宜畜众力，待来一战，若胜之日，江西自清，上方虽坏，可还取之。今渡江（力）[逆]战，胜不可保，如或摧丧，则大事去矣。”悌曰：“吴之将亡，贤愚所知，非今日也。吾恐蜀兵来至此，众心必骇惧，不可复整。今宜渡江，可用决战斗争。如其（丧败）[败丧]，则同死社稷，无所复恨；若其克胜，则北敌奔走，兵势万倍便当乘威南上，逆之中道，不忧不破也。若如子计，恐行散尽，相与坐待敌至，君臣俱降，无复一人死难者，不亦辱乎！”

遂渡江战，吴军大败。诸葛靓与五、六百人退走，使过迎悌。悌不肯去，靓自往牵之，谓曰：“（且夫）[巨先]，天下存亡有大数在，岂卿一人所支，如何故自取死[为]？”悌垂泣曰：“仲思，今日是我死日也。且我作儿童时，便为（君）[卿]家丞相所拔，常恐不得其死，负名贤知顾。今以身殉社稷，复可遁邪？莫牵（拽我）[曳之如是]。”靓（收泪）[流涕]放之；去百馀步，已见为晋军所杀。

李衡

李衡，字叔平，襄阳卒家子也。汉末入吴，为武昌庶民。闻羊道有人物之鉴，往干之。道曰：“多事之世尚书剧曹郎才也。”习竺以女英习配之。

是时，校（书郎）[事]吕壹操弄权柄，大臣畏逼，莫有敢言。道曰：“非李衡无能困之者。”遂共荐为郎。权引见，衡口陈壹奸短数千言，权有愧色。数月，壹被诛，而衡大见显擢。

後尝为诸葛恪司马，干恪府事。恪被诛，求为丹杨太守。时孙休在郡治，衡数以法绳之。英习每諫曰：“贱而凌贵，疏而闲亲，取祸之道！”衡不从。会孙亮废，休立，衡从门入，英习逆问曰：“何故有惧色？琅琊王立耶？”衡曰：“然。不用卿言，已至如此。”遂（曰）[白]其家客欲奔魏。英习固諫曰：“不可！君本庶民耳，先（君）[帝]相拔过重。既数作无礼，而不远虑，又复逆自猜嫌，逃叛求活，以此北归，何面目见中国人乎？”衡曰：“计何可出？”英习曰：“琅琊王素好善慕名，博学深广，多见以德报怨之义；今初立，方欲自达於天下，终不以私嫌杀君明矣。君意自不了者，可自囚诣狱，表列前失，显求其罪。如此，乃当反见优饶，非[但]直活而已也。”衡从之。果下令曰：“丹（阳）[杨]太守李衡，以往事之嫌，自拘有司。夫射钩、斩祛，在古为忠。遣衡还郡，勿令自疑。”加威远将军，授以桢

戟。

衡每欲治家事，英习不听。後密遣客十人，往武陵龙阳泛洲上作宅，种[柑]橘千株。临死，敕儿曰：“汝母每（怒）[恶]我治家事，故穷如是。然吾州里有千头木奴，不责汝[衣]食，岁上[一]匹绢，亦当足用尔。”衡既亡，後二十馀日，儿以白[母]，英习曰：“此当是种柑[橘]也。汝家失十客（来）七、八年，必汝父遣为宅。汝父恒称太史公言：‘江陵千树橘，当封君家。’吾答云：‘士患无德义，不患不富。若贵而能贫，方好尔。用此何为！’”吴末，衡柑[橘]成，岁得绢数千匹，家道富足。晋咸康中，其宅（上）[址]枯（藁）[树]犹在。[武陵人以衡家武陵，遂记录云是其郡人，非也。]

胡宣

胡（宣）[宜]，字叔方，为江夏、南郡太守。清（厉）[励]有节，妻不衣帛。魏朝以其清班示天下。

王昌 昌母

王昌，字公伯，为东平相、散骑常侍。早卒。妇是任城王曹子（大）[文]女。昌弟式，字公仪，为度辽将军长史；妇是尚书令桓阶女。

昌母聪明有典教。二妇入门，皆令变服下车，不得逾侈。後阶子嘉尚魏主，[主]欲金缕衣见（王）式妇，（桓）嘉止之曰：“其姬严固，不听，莫尔！不须持往，犯人家法。”

罗宪

罗宪，字令则，襄阳人也。父蒙，避乱於蜀，官至广汉太守。

宪少以才学[知]名，年十三能属文。师事譙周，周[门人]称为子贡。性方亮严整，待士无倦，轻财好施，不营产业。後主立太子，为太子舍人，迁庶子、尚书吏部郎。以宣信校尉再使於吴，吴人称（美）[美]焉。时黄皓预政，众多附之，宪独与不同；皓恚，左迁巴东太守。时右[大]将军阎宇都督巴东（为领军），後主拜宪[领军]为宇副贰。

魏之伐蜀，召宇西还，留二（干）[千]人，令宪守永安城。寻闻成都败，城中扰动，边江长吏皆弃城走，宪斩称成都乱者一人，百姓乃安。得後主委质问至，乃帅所统临於都亭三日。吴闻蜀败，起兵西上，外托救援，内欲袭宪。宪曰：“本朝倾覆，吴为唇齿，不恤我难，而徼其利，背盟违约。且汉已亡，吴何得久，吾宁能为吴

降虜乎！”於是繕甲完聚，告誓將士，厲以節義，莫不用命。吳聞鍾、鄧敗，百城無主，有兼蜀之志；而巴東固守，兵不得過。吳使步騭率眾而西。亮臨江拒射，不能御；遣參軍楊宗突圍北出，告急安東將軍陳騫，又送文武印綬詣晉王。協攻城，亮出與戰，大破其軍。孫休怒，復遣陸抗等率三萬人增亮之圍。被攻凡六月日，而救援不到，城中疾疫大半。或勸南出牂牁，北奔上庸，可以保全。亮曰：“夫為人主，百姓所仰，危不能安，急而棄之，君子不為也。畢命於此矣！”陳騫言於晉王，遣荊州刺史胡烈救亮，抗等引退。晉王即委前任，拜亮陵江將軍，封萬年亭侯。會武陵四縣舉眾叛吳，以亮為武陵太守、巴東監軍。

泰始元年，改封西鄂縣侯。亮遣妻子居洛陽，武帝以其子襲為給事中。三年冬，入朝，進位冠軍將軍、假節。四年三月，從帝宴於華林園，詔問蜀大臣子弟後，問先輩宜時叙用者。亮薦蜀郡常忌、杜軫、壽良，巴西陳壽，南郡高軌，（高）[南]陽呂（稚）[雅]、許國，江夏費恭，琅琊諸葛京，汝南陳裕。即皆叙用，咸顯於世。亮還，襲取吳之巫城，因上伐吳之策。六年薨，贈安南將軍，謚曰烈侯。

子襲，以陵江將軍領部曲，早卒，追贈廣漢太守。襲子徽，順陽內史，永嘉五年為王如所殺。兄子尚。

羅尚

羅尚，太康末，為右丞。[是]時，左丞處事失武帝意，[帝]大怒，欲案入重罪。事連尚，於是尚為坐受杖一百，時論美之。

[後]為平西將軍、益州刺史。[時李特起於蜀。尚]（性）貪[而]少斷，[付任失所，遂至大敗。]蜀人[不堪其征求，數萬人共詣太傅東海王，]言[之]曰：“尚之所愛，非（奸）[邪]則佞；尚之所憎，非忠則（賢）[直]。富擬魯、衛，家成市（里）[廛]；貪如虎狼，無復極已。”[又謠曰：]“蜀賊尚可，羅尚殺我；平西將軍，（皮使）[反更]為禍！”（時李特起於蜀。）[特]攻尚於成都，尚破之，斬李特。特子雄僭號於（郫成）[郫城]。尚卒，雄遂據有蜀土。

蒯欽

蒯欽。

初，惠帝即位，兒童謠曰：“兩火沒地，哀哉秋蘭，歸（刑）[形]街郵，終為人嘆。”又河內溫縣有人如狂，造書曰：“光光文長，以戟為牆，毒藥即行，（刀）[刃]還自傷。”楊濟問欽，欽垂泣曰：“皇太后（諱）[字]‘季蘭’；‘兩火’，武皇帝諱‘炎’字也。”此言武皇崩而太后失尊，罹大禍辱，終始不以道，不得附山陵，乃歸於非所也。及楊太后之見滅，葬於街郵亭，皆如其言。

钦从祖祺妇，即诸葛孔明之大姊也。

习嘏

习嘏，为临湘令、山简征南功曹。莅官举大纲而已，不拘文法。时人号为“习新妇”。

（邓攸）

（邓攸，为吴郡太守，刑政清简。後称疾去职，百姓数千人留牵攸船，不得进。攸乃少停，夜中发去。吴人歌之曰：“紆如打五鼓，鸡鸣天欲曙。邓侯挽不留，谢令推不去。”）

黄穆

黄穆，字伯开。博学，养门徒。为山阳太守，有德政，致甘露、白兔、神雀、白鸠之瑞。弟免，字仲开，为武陵太守，贪秽无行，[朝廷以黄受代之]。武陵人歌曰：“天有冬夏，人有二黄。”言不同也。

（大中正）

（晋朝以江表始通，人物未悉，使江南别立大中正。）

韩系伯

齐韩系伯，襄阳人也。事父母谨[孝]。

[襄阳土俗，]邻居种桑树於界上为志，系伯以桑枝荫妨他地，迁数尺。邻畔随复侵之，系伯辄更改种。邻人惭愧，还所侵地，躬往谢之。

郭祖深

梁郭祖深，襄阳人也。武帝溺情内教，朝政纵弛。祖深輿棹诣阙上封事。

蔡道贵

齐蔡道贵，襄阳人。拳勇秀出，当时以比关羽、张飞。

鱼弘

梁鱼弘，襄阳人。白皙，美姿容。凡五为太守，卒。

尹怱

唐尹怱父嗣宗，居丧逾礼。（子）怱侍养弥笃；父卒，庐墓，墓产紫芝。子恭先、孙仁恕，皆有孝行，俱被旌表。於是一门四阙。

辛宣仲

辛宣仲居士截竹为罍以酌酒，曰：“吾性甚爱竹及酒，欲令二物并耳。”

卷第三

鹿门山

鹿门山，旧名蘇岭山。建武中，襄阳侯习郁立神祠於山，刻二石鹿，夹神道口。俗因谓之“鹿门庙”，遂以庙名山也。

习郁为侍中时，从光武幸黎丘，与光武同梦见蘇岭山神。光武嘉之，拜大鸿胪，录其前後功，封襄阳侯，使立蘇岭之祠。

中庐山

中庐侯国，古卢戎也。县西山中，有一[地]道。汉时，常有（马）数百匹[马]出其中。马形皆小，形似巴、滇马。

三国时，陆逊攻襄阳，又值此穴中有数十匹马[出]。逊载还建业。蜀使来，有五部兵家滇池者，识其马色，云“亡父所乘”，对之流涕。

岷山

[襄阳城，岷山亘其南。]

（襄阳）岷山南八百步，西下道百步，有习家鱼池。汉侍中习郁，依范蠡养鱼法，中筑一钓台。将亡，敕其儿曰：“必葬我近鱼池。”池边有高堤，皆种竹及长楸，芙蓉覆水，是游宴名处。山季伦每游此，未尝不大醉而还，恒曰：“此我高阳池也。”

岷山下汉水中，（多）[出]鰿鱼，肥美。尝禁人采捕，以槎头断水，谓之“槎头鰿”。[宋张敬儿为刺史，齐高帝求此鱼，敬儿作（陆舩）[六櫓]船置鱼而献曰：“奉槎头缩项鰿鱼一千六百头。”]

万山

万山北[隔]（鬲）[沔]（汉）水，父老相传，即交甫见游女弄珠之处。

荆山

荆山，有石室，相传[云]卞和宅也。

薤山

（襄）[筑]阳县薤山，山上有竹，三年生一笋，笋成竹死，代谢如春秋焉。

石梁山

襄阳石梁山，起白云则雨，黄云则风，黑云则蛮多病。

冠盖山

冠盖山，汉末尝有四郡守、七都尉、二卿、两侍中，朱轩（冠）[高]盖会山下。因名“冠盖山”，里曰“冠盖里”。

浊水

楚王至邓之浊水，去襄阳二十里。

沔水

檀溪

襄阳[城]本楚之[下]邑也，檀溪带其西，（岷山亘其南，为楚国之北津也。楚有二津，谓：从襄阳渡沔，自南阳界，出方城关是也，通周、郑、晋、卫之道；其东，则从汉津渡江夏，出平皋关是也，通陈、蔡、齐、宋之道）。

马仁陂

马仁陂，在（沔）[比]阳县南五十里，盖地百顷。其所周溉田万顷。随年变种，境无俭岁。[陂水三周其隍。]

望楚山

望楚山有三名。一名马鞍山，一名（灾）[策]山。

宋元嘉中，武陵王骏为刺史，屡登之。鄙其旧名；[南]望[鄢、]郢（山），因改为望楚山。後遂龙飞，是[为]孝武。[所]望之处，时人号为凤岭。高处有三（堦）[墩]，即刘弘、山简九日宴赏之所也。

三公峰

岑山东三峰名“三公”，西九山名“九卿”，次山名“主簿”。

巫山

赤帝女曰瑶姬，未行而卒，葬於巫山之阳，故曰巫山之女。楚怀王游於高唐，昼寝，梦见与神通，自称巫山之女。王因幸之。遂为置观於巫山之南，号为“朝云”。至襄王时，复游高唐。

楚襄王与宋玉游於云梦之野，将使宋玉赋高唐之事。望“朝云”之馆，上有云气，崒乎真上，忽而改容，须臾之闲，变化无穷。王问宋玉曰：“此何气也？”对曰：“昔者先王游於高唐，怠而昼寝。梦一妇人，暖乎若云，焕乎若星，将行未至，如漂如停。详而视之，西子之形。王悦而问焉。曰：‘我帝之季女也，名曰瑶姬。未行而亡，封於巫山之台。精魂依草，实为（荃）[灵]芝，媚而服焉，则与梦期。所（为）[谓]巫山之女，高唐之姬。闻君游於高唐，愿荐枕席。’王因而幸之。”

夏水

楚王好田猎之事，扬镳驰[逐]乎华容之下，射鸿乎夏水之滨。

卷第四

北津

襄[阳]城，本[楚之下邑；檀溪带其西，岷山亘其南，]楚（国）之北津[也]。

[楚有二津，谓：从襄阳渡沔，自南阳界出方城关是也，通周、郑、晋、衛之道；其东，则从汉津渡[汉，经]江夏出[平]皋关是也，通陈、蔡、齐、宋之道。]

战地

刘表嗣子北降，襄阳、[沔]（)北为战伐之地。自羊公鎮此，吴不复入。晋[安西]（大）将军庾翼将谋北伐，遂鎮襄阳。

沮中

[吴时，朱然[围樊，]诸葛瑾（、万彧）从沮中寻山险道[北]出沮中。]“沮”，音如租税之“租”。

沮中在上黄[西]界，去襄阳[城]一百五十里。魏时，夷王梅敷兄弟三人部曲万家屯此，分布在中卢、宜城西山鄢、沔二谷中。土地平敞，宜桑麻，有水陆良田，沔南之膏腴沃壤，谓之“沮中”。

松子亭

蔡阳侯国有松子亭，下有神陂，中多鱼，人捕不可得。《南都赋》所称。

牵羊坛

襄阳有坛号“牵羊坛”。[旧传，]刺史初至，必牵一羊诣坛绕之，以其遭数验治州之年。（晋）[宋]文帝为刺史，羊行六遭不止，[强止之；]果八年而[後]迁。

活国城

山都县活国城，临沔水有大石激。宅欲为水所毁。其人五女皆大富，共敛钱作[激，全]其家宅。

（初）[又有]狼子[者]，家赀万金，而自少不从父命。父临终，意欲葬山上，恐儿不从，曰：“葬我，著渚下石碛上。”狼子曰：“我从来不奉教，今当从此一语。

”遂散尽家财，作石（像）冢，积土[绕]（遶）之，[成]一洲，长数百步。元康中，始为水所坏。今冢石皆如半榻许，数百枚聚水中。狼子是前汉时人，[家在（山）[其]东五女（徼）[激]]。

乐宅戍

南阳城南九十里，有晋尚书令乐广故宅。

广，字彦辅，善清言，见重当时。成都王，广女婿。长沙王猜之。广曰：“宁以一女而易五男！”犹疑之。终以忧殒。

其故居，今置戍，因以为名。

张平子碑

张平子碑，是崔瑗之词。夏侯孝若为郡，薄其文，复刊碑阴为铭。

三公城

宛城南三十里，有一城，甚卑小，相承名“三公城”。

诸葛女郎墓

襄阳城南，边大道有诸葛女郎墓者，是诸葛仲茂女也。年十三、[四]亡，茂妇怜之，不能自远，故近城葬之，日日往哭。

秦颀冢

秦颀者，字初起。颀之南阳，过宜城。中一家，东向大道。驻车视之曰：“此居处可作冢。”後丧还，至此（处）[住]（住）[处]，车不肯前。故吏为市此宅葬之。今宜城城中大冢，前有二碑是也。

熨斗陂

宜城县东北角有熨斗陂。

木兰桥

木兰桥者，今之猪兰桥是也。

刘[和季]（季和）以此桥近荻，有戢菜，於桥东大养猪。襄阳太守皮府君曰：“作此，猪*臭，当易名作‘猪兰桥’耳，莫复云‘木兰桥’也。”初如戏[之]（言），而百姓遂易其名。

黎丘

秦丰，黎丘乡人。黎丘，楚地，故称楚黎王。[田戎号周成王，陈义称临江王。]

呼鹰台

刘表为荆州刺史，筑呼鹰台，作《野鹰来》曲。

楚王冢

齐建元中，盗发楚王冢，获玉镜、玉履；又得古书青糸简编。

卷第五

胡烈

胡烈，字武贤。咸熙元年，为荆州刺史。有惠化，补缺堤，民赖其利。铭石曰：“美哉明后，隳哲惟嶷。陶广乾坤，周、孔是则。我武播扬，威振遐域。[譬春之阳，如冬之日。耕者让畔，百姓丰溢。惟我胡父，恩惠难置。”]

羊祜

羊祜，字叔子。武帝将有灭吴之志，以祜为都督荆州诸军事，率营兵出镇南夏。开设庠序，绥怀远近，甚得江汉之心；与吴[人]开布大信。及卒，南州人征市[日]（得）闻祜丧，莫不号恸，罢市，巷哭者声相接。吴守边将士亦为之泣。其仁德所感如此。

祜乐山水，每风景，必造岷山，置酒谈咏，终日不倦。[尝]（常）慨然叹息，顾谓从事中郎邹湛等曰：“自有宇宙，便有此山。由来贤达胜士，登此远望，如我与卿者多矣！皆湮灭无闻，使人悲伤。如百岁后有知，魂魄犹应登此也。”湛曰：“公德冠四海，道嗣前哲，令闻令望，必与此山俱传。至若湛辈，乃当如公言耳。”

祜卒後，襄阳百姓於祜平生游憩之所建碑立庙，岁时飨祭焉。望其碑者，莫不流涕，杜预因名为“堕泪碑”。碑[文]蜀人李安所撰。安一名‘兴’，初为荆州诸葛亮宅碣，其文善；及羊公卒，碑[文]又工，[时]人始服其才也。

[杨世安同记室主簿读祜碑迄，乃长叹曰：“大丈夫在在当立名。吾虽不敏，岂独无意！”自尔为政，务存宽简。荆州人为祜讳名，屋室皆以‘门’为称，改户曹为“辞曹”。]

杜预

杜预，字元凯。为镇南大将军，都督荆州诸军事。修立泮宫，江汉怀德，化被万里。修召信臣遗迹，激用滢、涪诸水，浸原田万馀顷，分疆刊石，使有定分，公私同利。众庶赖之，号曰‘杜父’。旧水道唯沔汉达江陵千数里，北无通路。又巴丘湖，沅、湘之会，表裹山川，实为险固，荆蛮之所恃也。预乃开杨口，起下水达巴陵千馀里，内泻长江之险，外通零、桂之漕。南人歌之曰：“後世无叛由杜翁。”

预好留後世名，常言“高岸为谷，深谷为陵”，刻石为二碑，记其勋绩，一沉万山之下，一（立）[沉]岷山之（上）[下]，曰：“焉知此後不为陵谷乎！”[其沉碑，今天色晴明，渔人常见此碑於水中也。]

山简

山简，字季伦，司[徒]（空）涛子。永嘉三年，出为征南将军，都督荆、湘、交、广四州诸军事，假节，鎮襄阳。

於时四方寇乱，天下分崩，王威不振，朝野危惧。简优游卒岁，唯酒是耽。诸习氏，荆土豪族，有佳园池。简每出嬉游，多之池上，置酒辄醉，曰：“此我高阳池也！”有童儿歌曰：“山公出何许？往至高阳池。日夕倒载归，酩酊无所知。时时能骑马，倒着白接■。舉鞭问葛强：‘何如并州儿？’”强家在并州，简爱将也。

时乐府伶人避难，多奔沔汉。燕会之日，寮佐或劝奏之，简曰：‘社稷倾覆，不能匡救，有晋之罪人也，何作乐之有？’因流涕慷慨，坐者皆愧焉。

（李重）

（李重，字茂（鲁）[曾]，为襄阳太守。崇教化，修学宫，表独行，拔贤能。清简无匹，正身率下；二年弹黜四县。）

刘弘

刘弘，字和季，沛国相人也。[太]（大）安中，张昌作乱，转使持节、南蛮校尉、荆州刺史，讨昌斩之，悉降其众。时荆部守宰多缺，弘请补选，帝从之。弘乃叙功铨德，随才补授，甚为论者所称。劝课农桑，宽刑省赋，岁用有年，百姓爱悦。

弘尝夜起，闻城上持更者叹声甚苦，遂呼省之。兵过六十，羸疾无嗣，弘愍之，乃谪罚主者，遂给韦袍、复帽，转以相付。旧制，岷、万二山泽中，不听百姓捕鱼，弘下教曰：“《礼》：‘名山大泽不封’，与共其利。今公私并兼，百姓无复厝手地，当何谓耶？速改此法！”

时天下大乱，弘专督江汉，威行南服，每有兴废，手书守、相，丁宁款密。所以人皆感悦，争赴之。咸曰：“得刘公一纸书，贤於十部从事。”卒於襄阳，士女嗟痛，如丧所亲。父老追思弘，虽《甘棠》之咏召伯，无以过也。

性爱香，上厕常置香炉。主簿张[坦]（垣）曰：“人名公作俗人，真不虚也。”和季曰：“苟令君至人家，坐席三日香。我何如令君？君何恶我爱好也。”[坦]（垣）曰：“古有好妇人，[患]（惠）而捧心嚬眉，见者皆以为好；其邻丑妇法之，见者便走。公欲使下官退走耶？”

[季和大笑，以是知坦。]

皮初，刘弘牙门将。弘讨张昌，初为都战帅，忠勇冠军。汉沔肃清，初等之功也。弘表初为襄阳太守。朝廷以初虽有功，襄阳名郡，乃以弘婿夏侯陟为守。弘曰：“若必姻亲可用，荆州十郡，安得十婿？”乃表陟姻亲，不得相监，初勋宜见酬。诏听之。

桓宣

桓宣，监沔中诸军事。石勒荆州刺史郭敬戍襄阳。陶侃使其子与宣俱攻樊城，拔之。敬惧，遁走。宣遂平襄阳，侃使宣鎮之。招怀初附，劝课农桑，简刑罚，略威仪，或载锄耒於轺轩，或亲艺获於陇亩。十馀年闲，绥抚侨寓，甚有称绩。

邓遐

邓遐，字应远。勇力绝人，气盖当时。时人方之樊哙。治郡号为名将。

为襄阳太守，城北沔水中有蛟，常为人害，遐遂拔剑入水。蛟绕其足，遐挥剑截蛟，流血，江水为之俱赤。因名曰“斩蛟渚”，亦谓之“斩蛟津”。

朱序

朱序，字次伦，义阳人。（宁康）[太元]初，拜使持节、监沔中诸军事、南中郎将，鎮襄阳。

（苻）[苻]丕围序，序母韩自登城覆行。谓西北角当先受弊，领百馀婢并城中女丁，於其角斜筑二十馀丈。贼攻西北，潰，便固新城。襄人谓之“夫人城”。

序累战破贼。守备少懈，序陷於苻坚。後坚败，得归。拜征虏将军，复还襄阳。太元十八年卒。